

জন্মদিন

সুদীপ্ত চন্দ্রচৌধুরী

হাত রেখেছি পাথর ছুঁয়ে শরীর ছুঁয়ে
চোখের তারায় নতুন গানের দৃশ্য ভাসে
তোমার মুখে মগ্ন সকাল
বৃষ্টি বাগান নির্জনতা
সজীব হাওয়ায় নৌকো ভাসাই
নিরুদ্দেশের উজান গাঙে।

জন্মদিনে বিকেলবেলায় নদীর তীরে
হাসনুহানা গন্ধ ছড়ায় স্বপ্নছুঁয়ে
শান্ত গভীর স্নিগ্ধ জলে নিবিড় ছায়া
স্বপ্নমেদুর প্রেম পলাতক
ঘুমজড়ানো বিকেলবেলা।

একটু আগুন রেখো

সন্ধানী আলো খুঁজে খুঁজে সারাবেলা
হতাশ হয়েছে ক্রান্ত কবির চোখ—
বিষের ছোবলে নীল হয়ে গেছে দেহ
করুণা কোরো না কবি তোমাদেরই লোক।
বাড়ির বাইরে শয্যা রয়েছে পাণ্ডা
শব্দ আকুল কান্নাভেজা মাঠ—
সাদা কাগজ উড়তে উড়তে শব্দমালার দেশে
জানতে চেয়েছে, জন্মাত্তরবাদ।
উত্তরে হাওয়া কানে কানে শুধু বলে,
প্রেম সুখ মিছে, জীবন সারাৎসার—
কবি মালা পেয়েছে, ঘৃণাও পেয়েছে, পেয়েছে বিষের স্বাদ
কবি পেতে চায়, কবি ছুঁতে চায় দু'ফোঁটা অশ্রুজল।
কোনোদিন যদি ভোরের আলোয় দ্যাখো,
চিরনিদ্রায় শায়িত কাঙাল কবি—
বরফ রেখো না,
কবির জন্য একটু আগুন রেখো।

ধরদোর-১

দুর্গা দত্ত

আলোছায়ায় ভেতর থেকেই হয়ে উঠল ঘর
হতে হতেই ঘরের পায়ে অন্ধ নেমে এল
আন্ধ তখন আকাশ বাতাস শিরীষ ডালের চূড়া
পাথর বালি পড়ে রইল নদীর কঙ্কালে।
রোজ সকালে হাড় গুছোনো, শামুক-ভাঙা সাপ
দুঃখ চালের চলন দিয়ে দিনকে গিলে খায়
শরীর জুড়ে অন্ধ নামে বন্দীকে বন্দীকে
পাথর বালি থমকে থাকে শীতের বারান্দায়।

ধরদোর-২

কাঠামো খড় আর তাল তাল মাটি
পোরয়ে পেরিয়ে
আমার প্রতিমা
চন্দ্রদান করবার পর আমি জানি
আমার প্রতিমা নয়।

দেবী শুধু

দেবী

শত শত সহস্র প্রণামে।

পালাচ্ছি

চালাচ্ছি জলের সাথে টলমলে আলোছায়া দিন
চালাচ্ছি আগুন গিলে ঘোরতর ব্রতের যাপন
চালাচ্ছি তোমার সাথে এ জীবন মহীরহ নয়
চালাচ্ছি আমারই সাথে গোঁড়ি-গুগলির মহাদেশে

পুরোনো ব্যাগের চেন

অলোকরঞ্জন দাশগুপ্ত

ব্যাগকনি থেকে
চেয়ে দেখি

শাল মছয়ার
জনসভায়

সে কিছু আমায়
এলতে চায়

হঠাৎ বলল:
'পুরোনো

ব্যাগের চেন
সারাবেন?'

তাকে যেই বলি:
'আমার যে নেই

কোনোই থলি'
'বেরাগী সে

পরক্ষণে
হাওয়ায় মিশে

আপন মনে
ছেড়ে গেল এই

শহরতলি।